

【大箍牯減肥記】曾菁怡原作

「哇！歸桌仔恁多好料仔！汽水、餅仔、披薩、雞卵糕、枝仔冰，還有偈盡好食个焗菜、雞髀¹。」偈看到無瞞目，口涎水強強會跌下來，該兜好料仔像同偈撲手講：「遽遽來食，遽遽來食嘢！」偈煞煞抓一支香噴噴仔个雞髀，該油亮油亮个皮焙到爛爛，肉汁汀汀汀汀，實在還錫人哪！就在偈嘴擘到大大，準備咬啊下去該下，嘎聽著：「大箍牯，還毋䟽床？讀書會赴毋掣哩！」全部个好料仔一下仔嘎毋見忒，原來，係發夢啊！有一息仔毋願，該雞髀無咬著，實在還打爽哦！

聽吾姆講，偈從細就異好嘴斗，生到肉卒卒仔，幼皮白肉，盡得人惜。公太就盡愛撚吾面頰卵，講偈像正打好个粿粿仔分人想愛咬一口。原本偈無感覺肥固固个身材有麼个毋好，但係該擺見笑个經驗分偈堅心愛減肥哩。

該日學校辦校慶活動，吾班級表演「三隻細豬仔」个話劇，偈係擔任豬大哥个角色。就在節目進行到豬大哥同豬二哥為著閃避大野狼，愛走去豬老弟个屋仔園該下，為著有緊張个氣氛，偈

盡命牯颯過去愛鑽入豬老弟个屋仔裡肚。麼人知，一下忒大力，豬老弟个屋仔嘎分偈撞橫下去，偈還仆在屋仔面頂，屎肫翹到半天高，纏繃繃仔个褲弓到暴線縫……。該時，鬧熱煎煎个禮堂忽然間變到一片恬靜，偈還聽得著自家砰砰砰个心跳聲，額頭流下來个汗水每一滴偈就感覺得著……，實在還見笑哦！愛仰結煞正好？落尾，有聲音摻偈解圍哩，偈遽遽企起來行到舞臺脣換褲；該聲音，毋係偈期待个拍手聲，係大家笑到歸身仔緊顫、目汁雙流个笑聲。

校慶結束該日，桌頂个乳茶、雞排全部分偈擲到垃圾桶，偈第一擺有恁強个決心，絕對愛減肥成功。偈去網路尋減肥个方法，大體係減量、減油、減糖，還愛配合適當个運動，故所該兜油漬漬仔²个焗菜、甜濟濟仔³个汽水、糖仔全部分偈拒絕，逐餐飯菜都食較清較齋兜仔，食到七分飽就好。偈還每日運動三十分鐘，行路、打球仔、跳索仔……，逐日做無共樣个變化。

一隻月過後，吾姆帶等偈去買新衫褲，每一領个尺寸都減兩號，阿姆講：「從今以後做毋得過喊你『大箍牯』咧。」「係啊！你愛喊偈『緣投哥』哩。」

大箍牯減肥，成功！

¹ 雞髀：音 gie' bi'；雞腿。

² 油漬漬仔：音 iu' ji ji e'；形容沾滿了油。

³ 甜濟濟仔：音 tiam' ji' ji' e'；形容味道甜膩。

【擲牙齒】張旭英原作

堵好係換牙齒个七八歲，舊个牙齒吉殿忒，新牙就先暴出來，也就係人講个生豬哥牙啦，又恁堵好係頭前个當門牙，係講無先膠舊牙擲忒，一方面驚怕會影響新牙个生長，再方面細阿妹仔个門面就會媿到看毋得。

就恁樣，第二日吾爸渡僱坐巴士去街項齒科擲牙齒。還當記得愛去街項个前一暗晡吾姆遽遽用裁縫車踏踏啊，兩下半就做好一身完匹斯¹愛分僱著去街項擲牙齒。毋知係毋係著新衫心頭歡喜，對黏時愛擲牙齒个緊張，試著較毋會發痲驚²。去到先生該位，護理師先膠僱注痺藥，先生一抹煞³擲忒四支舊牙，護理師喊講棉花愛用力咬等，痺藥吉過，故所也無感覺著有幾痛。坐有一下仔，護理師講做得轉去哩！拿好藥包交待講係止痛藥，實在當痛痛到佇毋著⁴就愛拿來食，係講會試著毋爽快，就愛倒轉來分先生看。

¹ 完匹斯：音 van' pi sii'；外來客家語，連身洋裝。

² 發痲驚：音 bod' cii' giang'；受到驚嚇而心中感到害怕，甚至起雞皮疙瘩。

³ 一抹煞：音 id' mad' sad'；全部。

⁴ 佇毋著：音 du m' diau'；指身體或心理不能負荷或承受。

僱跔等吾爸个尸背尾，準備愛行去赴車枋⁵，欸！仰毋係行去車頭个方向？該時僱還無法度講話，用手拉吾爸衫腳提醒阿爸行毋著哩，指等車頭該片，吾爸笑微微仔講：「兩儕，先來去食一碗冰正去坐巴士」。包尾僱正知，食冰就係驚痺藥過忒開始會痛，吾爸知得棉花拿忒驚怕會出血，食冰暫時做得止血止痛。該碗冰係清冰，白雪雪个冰、淋一息仔烏糖水，該冰冰涼涼、甜甜个味緒僱永久記得。下後再點清冰來食，僱嘎尋毋著當時該種味緒。

擲忒四支牙齒个僱，跔等吾爸歡歡喜喜食冰，又安安心心坐等巴士轉屋下，毋知續下來還有愛面對个事情。第一，就係暫時做毋得食硬飯，淨做得食粥無就食麵；第二，少忒四支牙齒暫時變到當媿，會分人笑「缺牙耙」。仰結煞⁶正好呢？該時吉有嘴落仔⁷好落，高不將嘴恬恬莫講話，就毋會分人看著吾牙齒少忒四支，還有食粥無就食麵，驚怕愛食一駁仔⁸哩啲！

這下吾當門牙生到齊齊正正，除忒愛感謝吾爸个智慧，還有吾姆做一身新衫分僱，使致當少出門个細阿妹增加異多个勇氣，做得勇敢去面對擲牙齒个事情。

⁵ 赴車枋：音 fu ca' biong'；趕車。

⁶ 仰結煞：音 ngiong gad' sad'；怎麼辦；如何是好。

⁷ 嘴落仔：音 zoi lab' e'；口罩。

⁸ 一駁仔：音 id' bog' e'；一陣子。

編號 03 號

【好空】徐子涵原作

人講，笑頭笑面個人較有人緣；佢講，會講客个細人仔較得人惜。係兩種加起來，就會變出當多好空个事情出來哦！

社區肚个老老嫩嫩，佢比吾姆還較熟事；社區肚个事情，乜比佢還較瞭解。成時攞兜仔菜、帶兜仔糖仔轉屋，騙阿姆講係佢買个，佢都會相信。因為連佢都想毋著，無緣無故有麼儕會分佢。無論係食个、著个、用个，抑係搞个，所有好空个，通棚都係佢好嘴碼摺禮貌換來个。

對門九十六歲个伯婆太講，這下个細人仔，毋知係畏羞抑係揭屎，盡少像佢恁有笑容、恁會同人相借問个，故所特別惜佢，盡阿謔佢。佢輒輒會攞手喊佢過去，拿兜仔零嗒分佢食，佢講就佢正有恁好空。同佢講話，全全愛用客話講，佢正聽得識，佢想怕係因為恁樣，正無細人仔愛同佢講話。三條巷仔个細人仔，就單淨佢一儕做得同佢謔哆半點鐘久，無講花蓼哦！

莫看佢年紀還細，係自行車落鏈¹、輪仔同球仔無風，佢自家就有辦法，毋使花錢去尋人搵手整、搵手嘮風。係愛打羽毛球，

¹ 落鏈：音 lau lien；鏈條脫落。

乜有大人同佢做伴搞，恁樣講，你就知吾个朋友有幾多、年齡層有幾闊哩！

細人仔自然就會搞共下，毋使加講，愛講个係，該兜鄰舍做麼个會恁惜佢呢？該係因為佢當笑面，會同人打嘴鼓，還會同人搵手。比將講搵手倒垃圾、拚資源回收个東西、講兜仔笑科分人笑、講兜仔令仔分佢兜揣、講兜仔生趣个事情分佢兜聽，就連老伯姆來賣菜，佢乜會搵手喊：「買菜哦～！愛買菜無呢？」微微末末，講都講毋得煞，吾个大人朋友就係恁樣從細交陪來个，連吾姆都當欽服。

對巷仔口左幹上去个有錢人家同公園起到當闊，新聞報導過後，就當多遊客來遶寮，漸漸仔乜有人來擺攤仔做生理。佢輒輒會行兼去，人客來就搵手，無人客就打嘴鼓，毋多知仔又熟事哩！異多遊客聽著佢講客，會因為試著當親切，就買加兜仔，你講，有生趣無？

佢從來就無想著面帶笑容摺講客會有麼个好空，毋過確實帶分佢異多好空！總講，就係一種當湛斗²个感覺。

² 湛斗：音 zam deu`；美好、很好。

【孤栖个白鸚哥¹】彭瑞珠原作

佢去學校个路頂，會經過一頭當大頭个番樣樹²。朝晨，佢遠遠就聽著，當多鳥仔在樹頂搞到異大聲，當鬧熱。一開始，係幾隻白頭公在該緊講「出力，出力！出力，出力！」；續等，嗰嘍屎仔³乜來加油講「遽遽，啾啾！遽遽，啾啾！」；過咗，係一陣屋簷鳥「唧唧唧唧、唧唧唧唧」在樹頂開會个聲哨。

佢想，今晡日仰會有恁多鳥仔在樹頂搞呢？係，熱天个樹頂較涼爽？還係，樹頂還有當多番樣好食？佢臥頭看往上，無啊，番樣都分人摘淨咗，就伸著一樹个青葉定定。還過，啾啾滾个鳥仔，乜看毋著半隻，就聽著屋簷鳥還在該開會个聲定定。毋過，屋簷鳥實在倘⁴細隻咗，因在比佢兜大恁多个番樣葉裡肚，佢當然也看無。

日時頭，佢還在該緊想，仰明明聽著恁多鳥仔聲，又看毋著半隻，行過樹下，乜無看著鳥仔飛走啊，還怪奇嘍！放學个時節，

佢共樣行該條路，還行到番樣樹下，就看著番樣樹脣頂个楊桃撥撥跌⁵咗。佢看一下四圍，無風啊，過看一下楊桃樹頂，無人啊！該，楊桃仰會自家跌下來呢？佢行過去看，會行到樹下哩，就聽著樹頂有英文同佢講「哈囉⁶！」

原來，係一隻調皮个白鸚哥。朝晨，樹頂該陣鳥仔聲，就係你嘍！遠遠有鳥仔飛過，你就同人喊加幾聲仔鬥鬧熱，難怪佢會聽著恁多鳥仔聲，又看毋著鳥仔。佢乜行過去同佢「哈囉」，毋過，佢全無插佢。

佢係使性个細人仔樣仔，佢嘴嘟嘟仔，用腳抓⁷起一粒楊桃、喫一口就同佢擲忒。楊桃還行落地泥，佢又抓起另外一粒楊桃來喫，大粒、細粒，有熟、冇熟个楊桃，分佢擲到一地泥就係。

白鸚哥，係毋係倘孤栖咗呢？雖然，佢無插佢，佢還係「三隻鼻公笏」，異閒管个勸話佢講：「白鸚哥啊，你莫恁仔！楊桃又無得失你，做麼个尋佢兜出水呢？若屋下人，乜怕係尋你尋到當愁哦！你愛轉去無？你係孤栖，佢來同你做朋友，好無？」

¹ 鸚哥：音 en / go / ；鸚鵡。白鸚哥，白色的鸚鵡。

² 番樣樹：音 fan / son su / ；芒果樹。

³ 嗰嘍屎仔：音 bid lid sii / e / ；綠繡眼。

⁴ 倘：音 tiong / ；太。

⁵ 撥撥跌：音 bad bad died / ；紛紛掉落。

⁶ 哈囉：音 ha lo / ；源自英文 Hello，你好之意。

⁷ 抓：音 sa / ；抓取。